



Broj: 08-01-03/2-11-2-1258-14/23

Dana: 30.10.2023. godine

Na osnovu člana 20. stav (2) tačka n) Zakona o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18, 6/19, 22/19, 21/20, 10/21 i 8/23), u vezi sa članom 69. stav (2) tačka d) i članom 70. st. (1), (4) i (6) Zakona o javnim nabavkama ("Službeni glasnik BiH", broj: 39/14 i 59/22), ministar Ministarstva unutrašnjih poslova Zeničko-dobojskog kantona, d o n o s i:

### O D L U K U o poništenju postupka javne nabavke

#### Član 1.

Poništava se postupak javne nabavke za "LOT 1: Isporuka toplotne energije za potrebe Ministarstva unutrašnjih poslova Zeničko-dobojskog kantona - sjedište, Policijske uprave I Zenica".

#### Član 2.

Ova Odluka stupa na snagu danom donošenja i objavit će se na web-stranici ugovornog organa ([www.mupzdk.gov.ba](http://www.mupzdk.gov.ba)).

### O b r a z l o ž e n j e

Na osnovu Odluke o pokretanju postupka javne nabavke broj: 08-01-03/2-11-2-1258/23 od 04.05.2023. godine, te Obavještenja o nabavci broj: 488-1-2-47-3-40/23 od 20.09.2023. godine i 488-1-2-47-8-44/23 od 11.10.2023. godine, proveden je otvoreni postupak javne nabavke usluga isporuke toplotne energije za potrebe Ministarstva unutrašnjih poslova Zeničko-dobojskog kantona - sjedište, Policijske uprave I Zenica. Procijenjena vrijednost nabavke iznosi 111.546,31 KM bez PDV-a.

Komisija je sačinila Zapisnik o prijemu ponuda broj: 08-01-03/2-11-2-1258-11/23 od 19.10.2023. godine i Zapisnik sa otvaranja ponuda broj: 08-01-03/2-11-2-1258-12/23 od 19.10.2023. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda, o čemu je sačinila gore pomenute Zapisnike, iz kojih je utvrđeno da se do roka određenog za dostavljanje ponuda 1 (jedan) ponuđač prijavio na predmetno javno nadmetanje, i to ponuđač: Javno preuzeće "GRIJANJE" d.o.o. Zenica.

Nadalje, Komisija je sačinila Zapisnik o pregledu i ocjeni ponuda broj: 08-01-03/2-11-2-1258-13/23 od 19.10.2023. godine, te utvrdila da je ponuda ponuđača Javno preuzeće "GRIJANJE" d.o.o. Zenica neprihvatljiva, s obzirom na činjenicu da Aneks II – Obrazac za cijenu ponude nije popunjen u skladu sa tačkom 18. i 19. Tenderske dokumentacije. Naime, ponuđač u navedenom Obrascu nije upisao cijenu slovima, te prikazani popust, koji je naveden samo brojevima, nije prikazao u rubrici "Ukupna cijena A+B+C+D+E u KM sa popustom bez PDV-a".

Cijeneći naprijed navedeno, primjenom člana 69. stav (2) tačka d) Zakona o javnim nabavkama BiH, odlučeno je kao u dispozitivu.

**PRAVNA POUKA:**

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u najmanje 3 (tri) primjerka.

**DOSTAVLJENO:**

1. Ponuđači, lx.-
2. Sektor za podršku, lx.-
3. Spis, lx.-



MINISTAR

*Emir Vračo*  
Emir Vračo